

觀

象

玩

占

觀象玩占三十四

拾遺

攝提王建節令若移其處即兵起大臣死亡

平星在兩角天之中道五星日月常貫其中則天下和平故不言掩

犯若不由之而行則為臣不從君命金為武臣木月水土為文臣

庫樓為兵庫央小星兵也故實則國勝空則兵出月不入及流星出入

皆為米貴人飢火入為旱

析威主斬戮故曰星五干犯皆為天子怒臣下懼金火犯守在邊將大

臣東西兩咸主防淫泆故有干犯皆為後宮妃嬪亂因而疾病

死黜鍵閉主腹心喉舌之臣星不欲大明明則宮門不禁亡則天下津
梁不通盛明赤色則有內亂月掩則宮中大災或在宗廟或為天
子病或為大臣死或為喉舌之臣構亂五星掩犯天子必出有殃
流星出入大臣死有口舌亦為閣官死 天市主國中市肆交易
垣星明而市中星多則商賈流通國家殷富反此則人貧國衰月入市
門主女憂疾市有火災火入門口不忠之臣被戮市中火起大旱五谷
不成有赦令五星入市皆為旱澇之災又為兵起流星入則以五色占之
蒼白為萬物貴赤為兵疫為大災若有使者來言兵事 大角天
子棟梁流星觸破之兵四合國有急君失其位

天江主太陰不欲其明明則有大水動搖則水大出不見則津關不通
月犯江河溢又為大臣死土犯為天下水溢木金犯為水蕪兵且飢火
犯為水且旱亦為民流亡

建星臨黃道為天之都闕月掩犯之為將相死君歲月相克之日犯
之則災及君

哭泣星主哭泣曰五星犯之為國有喪亦為大臣死君流星出入則大
臣有哭泣事羽林天軍星衆則國兵強動搖則兵起不見十星以上
天下有兵月入之則大臣用兵死五星入之皆為將相有爭因而起兵
致死流星出入禁兵賞賜犯之則大軍散無軍在外則兵起入之亦

為大將出師客星守之則兵大起

壘壁陳羽林之北垣移徙則君亡

天廐馬廐駟舍也動搖則駟馬無閑者月犯之廐馬死流星出入之天子御馬死

色赤黃為進御馬 離宮天子之別室暗則別室貴人死土守犯有

內乱火守犯宮人死有火災星不見則天子失其宮以日辰占遠近天
困星明而黃明國儲實暗則空月五星入犯皆為旱飢流星入則倉粟
出色赤倉庫憂火蒼黑人飢黃吉

天倉天廩天困天瘦中小星皆欲其多則倉粟實大陵主天子陵墓
月犯入則人死如乱麻火人大早有兵喪

天狗吠則天下之狗盡吠燿主烽火備急行掌四時改火

斗極列宿暈占

北斗暈不出三十日天下亂七年乃定

北極暈不出三十日臣謀君兵亂三年乃定

女星暈不出五十日皇后亡國內亂三年

胃星暈不出五十日大臣為亂兵起五年定

房星暈不出五十日大臣作亂兵起主走四年定

亢星暈三十日內起兵魏地三年定

觜星暈五十日內趙地起兵三年定

箕星暈九十日內大兵起南方三年定

畢星暈幽州兵起三年定

室星暈兵從宮中起主出走二年小定

軫星暈主夷狄作賊兵亂五年方定

參星暈一百日內大兵起秦地五年方定

雉星變占

恒星盡見

恒星者經星也三垣二十八舍內外官之名者皆是也星非一星也故槩言之 恒星盡見喪兵俱作甘氏曰是謂女主不出三年大水

洋洋女子為王臣有奸心主不明天下從橫而不可制一曰妃后大臣專制諸侯列士稱王

星晝見與日爭光天下有爭帝

星晝見虹蜺從橫奪主明

北斗晝見君亡絕嗣天下更紀

恒星夜不見

恒星夜不見天子失馭諸侯亂紀大權下移天下改正

雜星晝見

雜星者恒星與客星俱出莫別其何星也故但以其晝見為異

一星晝見天子失道一曰臣逐君君失國亡世

二星晝見皇后憂兵亡一曰有白衣間詐在宮中國內兵起三年臣弑君一曰二邦相攻天下流血三星晝見不出三十日兵起天子失國公卿大夫皆沒于夷狄一曰有三人爭帝

四星晝見四方兵來伐主出走天下亂一曰王侯為近親所殺五星晝見君不君臣不臣父不父子不子夷狄為天下主

恒星動搖

天星盡搖天下民勞

星聞

恒星開天下大亂

星變色

天星盡赤而無光主失勢國有大喪故曰星無光有死王天無

雲則用此占 客端妖星占

客星總敘

客星者非常之星天皇大帝之使以告咎罰者也其出也無恒時其居也無定所忽見忽沒或行或止不可推算寓于星辰之間如客故謂之客星為善為惡所主不同觀其所出之日所寓之舍以占何國視其五色以知其祥大抵星大者事大星小者事小

守日多者事久而禍深日少者事亟而禍淺行速者應速行
遲者應遲其色青則憂赤則旱為火為大白則為喪黑則為水
病黃則為土工亦為有喜竺角則為兵戰經曰客星入列宿中外
官者各以所出部合官名為其事近之者為其所謀以所守之
日為期以五氣相賊者為其事云

客星名狀

一曰周伯大而色黃煌煌然所見之國兵起君有喪天下大飢衆
庶流亡人去其鄉

二曰老子明大而色淳白淳淳然所出之國為喜為惡為喜為怒

見則兵起主憂宜以赦除咎

三曰王蓬絮狀如粉絮色白拂拂然見則兵起有白衣會其國
飢以亡一曰王蓬絮色青熒熒然所見之國風雨不節焦旱物不
生五谷不成多蝗蟲四曰國皇太而色黃白望之有芒角見則兵
起國多變君有水飢衆庶多疾人主惡之

五曰溫星色白而狀如風動搖恒出四隅出東南則天下有兵將軍
出野出東北當有千里暴兵來出西南其國有喪兵起大水人
飢出西北暴骸三千里又曰溫星出東南大將軍屈服不能發
出西北東北同

石隨志所載五客星其國皇星與妖星國皇星名同而狀異周伯星與瑞星周伯星名狀皆同而占異今並存之

東南方有三星出而色白名曰盜心見則天下多盜賊

西南方有三大星出氣各長三文名曰種陵見則天下兵起隕霜不特穀貴十陪

東北方有三大星出氣各長三文名曰女帛見則天下有大喪西北方有三大星出名曰天狗見則天下人相食

瑞星總敘

瑞星亦客星也五行衝和王相喜合之所生必出於有道之國周

伯星晉志以為祥隨志以為妖未知其肯今仍存之歸邪入瑞氣以其狀言之則星而非氣也故徒入此

瑞星明狀

一曰景星狀如半月生於晦朔助月為明亦曰德星大而中空或曰有三星在赤方氣與青方氣相連有黃星在赤方氣中王者德至于天則見

二曰周伯煌煌然所見之國大昌

三曰含譽光耀似彗喜則含譽射必有外國來朝者

四格澤狀如炎火下大上銳也黃白而地起上見則不種而獲不有

土工必有大客

五曰歸邪如星非星如雲非雲或曰星有兩赤彗上向有蓋下連星見則必有歸國者

李淳風曰景星生於晦朔或出於西北天門之上或入月二三日或出月二十七八九日狀如星而中空如魚星而不明或青赤白三氣聚如星如半月狀狀出而不行必於四時王相日見周伯大而白色如太白光熒如月照地或有芒角煌煌然不行或如水星而赤色光潤或黃如橘皆出而不行含譽似彗有尾而不長亦不甚有光而明不急格澤如炎火上黃下白從地而上形如稍竿狀如天狗潤

澤而明見則大客客者外國之貴使來歸也

妖星總敘

妖星者五行之變氣各見其方以雨殃咎以其出之日占之何國其出也必於無道之邦為兵為飢為水為旱為疫為喪為亂為賊各以五色占之其微又曰凡妖星出之行狀不同為殃如一其出也不過一年必有破國屠城其君死天下亂兵士亂積尸流血之事餘殃不盡以為水旱飢疫之灾又曰凡妖星長大者其灾大而期遠短小者其灾小而期近三尺至五尺期百日五尺至一丈期一年一丈至三丈期三年三丈至五丈期五年五丈至十七丈期七年十丈以上期九年

此其大約也審而察之其應不虛矣

妖星名狀

一曰彗星亦謂之掃星本類星末類彗小者數寸長或竟天見則兵起大水除舊布新彗有五色各以本情所主天文志曰彗體無光附日而為光故夕見則東指晨見則西指在日南北皆隨日光而指頗徃其芒或長或短光芒所及則為灾武家占曰凡彗星短者為飢喪長者為兵乱彗有行者止者行者事小止者禍大各以其邦國分占之彗見久者灾深去速者灾淺乙巳占曰彗字出行歷二十八宿留合出見百日不出三年應之百五十日五年應之二百日以

上七年應之

赤彗出主滅亡武密占曰凡彗見則赤色者為臣謀叛破軍流血
大臣有以家事坐罪者一曰彗出赤色滅五都 蒼彗出王侯叛有
破軍殺將蒼彗五芒天子破兵一曰蒼彗出主女亂一曰主亡

彗星氣白而長名曰白旗喪氣也視其旗所掃衝破之下必有兵喪
其國滅亡

彗星上白下赤漸長如矛刃為兵災

彗星東行而西指海中兵起西行而東指羗胡入界南行而北指
天下人死且半北行而南指天下大水地陷或曰彗星東行而西

指吳越兵大起南行而西北指得柄之國歲大豐東北行而西南指
大亂西行而東北指外兵入北行而西南指兵大起西行而東南指
強臣為亂乾坤變異占曰彗北行指南國有大殃禍起西戎亦
為大水東行指南外國人來國中兵起東南行指西北其國
大熟子欲謀久位西南行指東北所指國病六畜死南行指北天
下不安流血在道不有大旱即有大水漂人西行指東空北兵起
入中國一曰女子兵起又曰彗出攻指南大水且大旱出乾帝遣
天下起兵指東南所出所指國大亂人死病死大兵流血大旱
二彗見天下一歲再赦一曰流血滿道

三彗俱出海內男子盡死 四彗俱出天下主亡 一曰四彗相連外指
所出入之國大昌 五彗並出列土稱王舊國主死國亡 一曰兩彗見
君臣相伐君弱臣強

彗星晝見所臨之國為河彗出四尾天下之人逃亡無所兩軍相
當而彗見得本者勝隨所指伐之利

彗星犯月五星兵喪並起四夷交侵百姓惶惶若有軍必大破
軍殺將

一曰孛星彗之屬也偏指曰彗並氣四出曰孛孛者勃然非常惡
氣所生內不有大亂外有大兵天下合謀闇蔽不明有所害物

晏子曰君若不改字星將出彗何懼乎由是言之灾甚於彗也
春秋運斗樞曰星字東方將軍謀主

字西方羌胡叛兵入中國 字南方天下兵起

字北方兵起者霸夷狄內侵

三曰天棓一名彗星本類星末銳長四丈出東北方主奮爭河圖曰
歲星之精流為天棓石氏曰天棓出其國凶不可舉事用兵期三
月必有破軍拔臣城

甘氏曰天棓見女主用事春秋緯曰歲星退而南三天棓出陽旣
變亂兵行所見大擾兵起

四曰天槍雲狀如馬或曰天槍在左右銳長教文本類星其出不過三月必有破國亂君伏屍其事甘氏曰天槍出西南出而易處長教文在左右銳赤色見則枯骨藉又曰歲星縮而西南不出三月乃生天槍見則有大兵喪五曰天橈石氏曰雲如牛狀甘氏曰歲星縮西北不出三月乃生天橈本類星末銳長教文巫咸曰彗星出西方長可二丈曰天橈主捕制一曰天鏡白小而數動出則其下人相讒石氏曰槍橈異狀而同殃之不盡以為水旱飢疾一曰天橈主殺伐見則兵起流血

六曰蚩尤旗類彗而後曲象旗或曰赤雲獨見或曰其色上黃下白

或曰雲若植萑而長或曰狀如旗幡可長二三丈其本星見則王者
旗鼓大行征伐四方不則國有大喪河圖曰熒惑之精流而為蚩
尤旗主誅逆或曰雲王反度則蚩尤旗出或曰蚩尤之星出月左方
日在丙寅熒惑將出而不出其未出三月有赤色之星出有赤方
在其旁而出生蚩尤之星長十餘丈其下有大戰一曰蚩尤主惑
亂所見之方兵大起近三年遠七年七月天衝其狀如人蒼衣赤
頭不動見則臣謀主武卒發天子出星贊曰天衝抱極泣帝血
濁霧暗天下冤一曰天衝主滅位

八曰國皇大而赤類南極老人星或曰去地三丈如炬火主內或曰

其下起兵兵強或曰内外有兵喪一曰國皇見有急兵春秋考異
邾曰國皇見東南兵天下急

九曰昭明象太白七芒不行或曰大而白無角乍上乍下一曰赤孛
分為昭明滅光以為起霸起德之徵所起國多兵變或曰西方有
星望之去地約六丈白而有光狀類太白察之中亦是謂西方之
野星名曰昭明出則大人凶兵大起一曰昭明下為天狗所下有犬
戰洛書曰昭明見霸者出至咸曰西方有星大而白有角目下
視名曰昭明

十曰司危狀如太白有目或曰大而毛兩角為幸爭之徵生

擊強見則主失法豪傑起天子以不義失國有聲之臣行主德或
曰白彗分為司危狀如太白數動察之而赤見則其下國相殘一
曰司危出其下起兵衝不利

十一曰五殘一名五鋒出正東東方之野狀類辰星去地可六七丈或
曰蒼彗散為五殘如辰星出角或曰星表有氣如暈有毛或曰大而
數動察之而青主乖亡是為毀敗之徵亦為備急兵見則主政在霸
國有兵喪不利衝或曰五殘一本分而為五期九十日奸興大亂不禁
一曰五殘木之變氣一曰大而赤察而中青星表有氣如暈

十二曰六賦出正南南方之野去地可六丈大而赤動有光形如彗五

殘六六賊出禍合天下逆侵樞其下有兵不利衝或曰六賊金之氣也天官書曰六賊形如彗白色長四十丈太白之精出則天下亂十三曰微漢一曰咸漢出正北北方之野去地可六丈大而赤教勸察之中青或曰赤表下有三彗縱橫主逐

主刺王鎮星之精或曰水之氣也出則陰精橫逸兵起其下又為喪動則諸侯驚

十四日旬始出北斗旁狀如椎雞怒則赤黑色象伏鱉主爭兵或曰黃彗分為旬始為立王之題主招橫見則臣亂兵作諸侯雪群猾橫恣期十年聖人起伐春秋考異郵曰旬始照其下有滅王玄冥

占曰有如雉雞其色赤黃其名曰旬始出則天下有兵其國不寧或曰常以戊巳日視五車天庫中有奇怪一曰旬始狀如鳥有喙見則兵起大戰當其首者破亡攻戰不可逆之黃帝占曰旬始見天庫中所向兵莫能平咸曰常以戊巳日視之

十五日天鋒彗象矛鋒天下縱橫則見一曰天鋒出有乱臣戮將死于下十六曰燭星狀如太白其出也不行見則不久而滅或曰王星上有三彗上出城邑乱有大盜不成有土工

十七曰蓬星大如二斗氣色白一名王星又曰王蓬狀如夜火之光多至四五少則一二或至蓬出西南長數丈左右銳出而易處見則不

出三年有乱臣戮死又曰所出大旱五穀不成人相食或曰蓬星色白如粉長不過三尺出則有乱有亡國

十八曰長庚如一匹布着天見則兵大起或曰長庚墜則化為石其下國主亡

十九曰四鎮星出四隅去地六丈餘或曰可四丈或曰星大而赤去地二丈恒以夜半時出十月而兵起其下

二十曰地維藏光出四隅或曰大而赤去地二三丈如月如出見則下有乱者無德六有德者昌或曰四維有星望之去地可四丈赤黃搖頭狀類鎮星是謂中央之野星名曰地維藏光一曰出東北隅天下

大旱出西南隅兵起出西北隅天下大亂

二十一日昏星出西北方中赤外青赤氣環之見則天下民起國

易政先起者昌後起者亡高十丈亂一年二十丈二年三十丈亂三年

河圖曰歲星之精散為天棓天倉天衡天猾國皇反登蒼彗

熒惑之精散為昭明蚩尤之旗司危天棹赤彗

鎮星之精散為五殘微漢大賁絀流昭星旬始孛咎虹蜺黃彗

太白之精散為天杵天柎伏靈大敗司姦天狗天卒起白彗辰星之

精散為枉矢破女拂樞統廷滅室驚理大奮祀黑彗

觀象玩占三十四終

觀象玩占卷三十五

五行雜妖占

漢京房著風角書有集星章所載妖星皆見月旁有五色方雲以五寅日見五星所生

天垣星在角宿中出月左方日在甲寅歲星將出而不出其與日合二十日其未出二日必有災雲蒼赤黑三色厭日之光青色之星所背之國消主死正星變色而青期三年

天樓星在亢宿中出月左方日在甲寅歲星將出而不出其與日合三十日其未出三日必有災雲蒼赤黑色三物厭之光青色之星有

兩青方在其旁出生天樓之星長八丈若八十丈所指之國較
大貴人大飢法星变色而青期三年

天轅星在氐宿中出月左方日在甲寅歲星將出而不出其與日
合四十日其未出四日必有灾雲蒼赤黑色三物厭之光青色之星
有兩青方在其旁出生天轅之星長十丈所宿之國有立王若
亡地令星变色而青期三年

真若星在房宿中出月左方日在甲寅歲星將出而不出其與日
合五十日其未出五日必有灾雲蒼赤黑色三物厭日之光青色之
星有兩青方在其旁出生真若之星長六七尺若六丈所指之

國亡地殺星变色而青期二年若三年

天刑星在心宿中出月左方日在甲寅歲星將出而不出其與日合六十日其未出六日必有灾雲蒼赤黑色三物厭日之光青色之星有兩青方在其旁出而生天刑之星所指之國占不勝亡死國亡伐星变色而青期二年

天根星在尾宿中出月左方日在甲寅歲星將出而不出其與日合七十日其未出七日必有灾雲蒼赤黑色三物厭日之光青色之星有兩青方在其旁出而生天根之星所指之國戰敗亡地危星变色而青期三年

天樞星在箕宿中出月左風日在甲寅歲星將出而不出其與
日合八十日其未出八日必有災雲蒼赤黑色三物厭日之光青
色之星有兩青方在其旁出而生天樞之星長數丈所指之國
受兵破軍應星变色而青期一年

端下星在斗宿中出月左方日在壬寅辰星將出而不出其與
日合二十日其未出二日必有災雲黑黃青色三物厭日之光黑色
之星有兩黑方在其旁出而生端下之星所指之國兵大敗將死
正色变色而黑期六月若一年

尚若星一名天嵩在牛宿中出月左方日在壬寅辰星將出而不

出其與日合二十五日其未出二日必有災雲黑黃青色三物厭
日之光黑色之星有兩黑方在其旁出而生商若之星長三四尺所
指之國大水起兵法星变色而黑期一年

天杵星一曰天林在安宿中出月左方日在壬寅辰星將出而不出
其與日合三十六日其未出三日必有災雲黑黃青色三物厭日
之光黑色之星有兩黑方在其旁出而生天杵之星長七八尺所
指之國軍破將死令星变色而黑期一年

天星在虛宿中出月左方日在壬寅辰星將出而不出其與日
合三十五日其未出三日必有災雲黑黃青色三物厭日之光黑色

之星有兩黑方在其旁出而生天星長七八尺一日四五尺所指之國
破亡殺星变色而黑期六月

天杜星一曰天杖在危宿中出月左方日在壬寅辰星將出而不出
其與日合四十日其未出四日必有灾雲黑黃色三物厭日之光
黑色之星有兩黑方在其旁中而生天杖之星長十餘丈勾曲所
指之國有兵主死伐星变色而黑期二年

天機星在室宿中出月左方日在壬寅辰星將出而不出其與日
合四十五日其未出四日必有灾雲黑黃青色三物厭日之光墨色
之星有兩黑方在其旁出而生天機之星長五六尺所指之國敗亡

危已丑变色而黑期三年

天英星在壁宿中出月在左方日在壬寅辰星將出而不出其與日合五十日其未出五日必有灾雲黑黃青色三物厭日之光黑色之星有兩黑方任其旁出而生天英之星長十丈所指之國破軍亡地應星变色而黑期三年

白藿星在奎宿中出月在左方日在唐寅太白將出而不出其與日合十日其未出一日必有灾雲白赤黑色三物厭日之光白色之星有兩白方在其旁出而生白藿之星所指之國亡地主死正星变色而白期一年

轅星在婁宿中出月左方日在唐寅太白將出而不出其與日合
十日其未出二日必有災雲白黑赤色三物厭日之光白色之星
有兩白方在其旁出生轅星所指之國有太喪水災國亡法星
变色白而期一年

廣色星一曰糞星在胃宿中出月在方日在唐寅太白將出而
不出其與日合三十日其未出三日必有災雲白赤黑色三物
厭日之光白色之星有兩白方在其旁出生長十餘丈
一曰丈餘所指之國內亂令星变色而白期一年

林君星一曰竹筴在昴宿中出月左方日在唐寅太白將出而

不出其與日合四十日其未出四日必有災雲白赤黑色三物厭
日之光白色之星有兩白方在其旁出而生林若之星長十餘丈
一曰七人所指之國破亡死喪殺星变色而白期一年

若彗星在畢宿中出月左方日在庚寅太白將出而不出其與
日合五十日其未出五日必有災雲白黑赤色三物厭日之光白
色之星有兩白方在其旁出而生若彗之星長七八尺所指之
國內亂亡地伐星变色而白期三年

彗星在觜宿中出月左方日在庚寅太白將出而不出其與
日合六十日其未出六日必有災雲白赤黑色三物厭日之光

白色之星有兩白方在其旁出而生第星長四尺所指之國內
亂亡地危星变色而白期六月若一年

若星在參宿中出月左方日在庚寅大白將出而不出其與白
合七十日其未出七日必有災雲白赤黑色三物厭日之光白
色之星有兩白方在其旁出而生若星所指之國戰大敗應
星变色而白期二年

蚩星尤在井宿中出月左方日在丙寅熒惑將出而不出其與
日合三十日其未出三日必有災雲赤青黃色三物厭日之光赤
色之星有兩赤方在其旁出而生蚩尤之星長十丈或丈餘其下

有大戰正星变色期亦期二年

赤若星在鬼宿中出月左方日在丙寅熒惑將出而不出其與日合四十日其未出四日必有灾雲赤青黃色三物厭日之光赤色之星有兩赤方在其旁出而生赤若之星其下有大戰法星变而赤期二年

天雀星一日赤雀在柳宿中出月左方日在丙寅熒惑將出而不出其與日合五十日其未出五日必有灾雲赤青黃色三物厭日之光赤色之青有兩赤方在其旁出而生天雀之星所指之國敗亡令星变色而赤期三年

天惑星在星宿中出月左方日在丙寅熒惑將出而不出其與日合六十日其未出六日必有灾雲赤青黃色三物厭日之光赤色之星有兩赤方在旁而生天惑之星三角若四角長三尺其下旱兵起所指之國亡殺星变色而赤期一年遠二年

官張星在張宿中出月左方日在丙寅熒惑將出而不出其與日合七十日其未出七日必有灾雲赤黃青色三物厭日之光赤色之星有兩赤方在其旁而生官張之星三角而勾所指之國主死伐星而赤期一年

晋若星翼宿中出月左方日在丙寅熒惑將出而不出其與日合十

日其未出八日必有灾雲赤黃青色三物厭日之光赤色之星有兩赤方在其旁出而生晉若之星所指之國破亡危星变色而赤期三年若四年

天陰星在軫宿中出月左方日在丙寅焚惑將出而不出其與日合九十日未出九日必有灾雲赤黃青色三物厭日之光赤色之星有兩赤方在其旁出而生天陰之星所指之國亡應星变色而赤期三年

若星出月左方日在戊寅鎮星將出而不出其與日合四十日其未出四日必有灾雲黃赤青色三物厭日之光黃色之星有兩黃方

在其旁出生者之星長五尺所指之國亡正星变色而黃期六年
天拂星出月左方日在戊寅鎮星將出而不出其與日合五十日其
未出五日必有災雲黃赤青色三物厭日之光黃色之星有兩黃
方在其旁出生天拂之星所指之國受兵法星变色而黃期三年
天翟星出月左方日在戊寅鎮星將出而不出其與日合六十日其
未出六日必有災雲黃赤青色三物厭日之光黃色之星有兩黃
方在其旁出生天翟之星四角而勾中央有星長四五尺所指之
國戰敗令星变色而黃期二年或三年

天樞星出月左方日在戊寅鎮星將出而不出其與日合七十日其

未出七日必有灾雲黃赤青色三物厭日之光黃色之星有兩黃方
在其旁出而生天樞之星三角而勾所指之國戰敗星变色而黃期
二年

天從星出月左方日在戊寅鎮星將出而不出其與日合八十日其
未出八日必有灾雲黃赤青色三物厭日之光黃色之星有兩黃
方在其旁出而生天從之星長六七尺所指之國亡伐星变色而黃
期二年或三年

天伐星出月左方日在戊寅鎮星將出而不出其與日合九十日其
未九日必有灾雲黃赤青色三物厭日之光黃色之星有兩黃方

在其旁出生天伐之星所指之國大敗危星变色而黃期五年

天社星一曰天上出月左方日在戊寅鎮星將出而不出其與日合百日其未出十日必有灾雲黃赤青色三物厭日之光黃色之星有兩黃方在其旁出生天社之星天下大亂所指之國亡應星变色而黃期一年

已上三十五星即五行氣所生皆出于月旁方氣之中各以其所生星將出而不出日數期候之當其未之前而見依所主而言其灾

雜妖星

第星出東南方亦曰拂星本有星末類拂見則其國兵乱京房

曰彗星三角三年消五角五年消九角則亂九年乃消一曰彗星
本類星長可一丈其炎頭下垂狀如毛拂見則兵大起天下亂強臣
謀有走王

掃星長者二三丈形如竹木枝條其長三丈以上曰彗星其占皆為
掃除凶穢革舊布新無道之君受殃

荊州占曰妖出牛女虛危之間其狀如木其有四角此辰星之精也
見則兵起大水其下多死傷天弔星狀如木色白長三丈其本有
赤星見則人主惡之一白見于四維此謂有謀其兵起

天寇星狀如木小長三丈其本有黑色星出則天下寇盜羣起

天喪星狀如直行長二三丈其尾銳白色本有星見則天子死若國主亡

掃星出狀如水上有鳥赤色此謂有憂其色黑者羣臣為賊所掃亡國

掃星狀如直竹長二三丈赤色銳尾此謂出急令見則有兵戰蓬掃星狀如蓬本類太白長二三丈見則其國有兵亡地大飢杵掃星狀如杵其尾如掃長二三丈見則大將及人主有凶

天戈星出天中央仰面視之本類星末類彗長六尺至丈見則天下兵起人主亡

天罰星出天中央仰面視之正在人上長四文出則其國有喪疾
星見有角尾旁出狀如簇藜見則天下大旱千里地無生草
彗星狀如吹火熒惑所生出則國以兵亡

端星出四隅大而赤察之中黃數動長可數文曰端星者五星
之變氣出與金木水火土合於四隅中央出則天下兵大起

筆星出四隅狀如環見則其方諸侯失地

刀星一曰隊星赤白濛星遍天薄雲四方生氣各長三文許乍見
乍凌尋常消滅謂之隊星見則天下兵起大戰流血一曰遍天
薄雲四方各有氣蒼白色長三尺許乍見乍沒謂之刀星亦曰

隊星夜有光色如旗長短四面皆有而最多比亂兵之象非常之惡氣也

機星狀如炬火炎炎上衝漸高而墮見則天下大亂

析旦星或曰昭旦

天爵星如重馬聞躍曰反光

候彗星法

凡候彗星之出歲星行東南六十日不還期六彗星出行東
北六十日不還期六月梣出行西北六十日不還期六月梣星出
行西南六十日不還期六月梣星出乍東乍西乍北天狗出

以初去日計之 巫咸中辰星出四季彗星出

却萌曰太白與日合同舍七十日彗星出

熒惑守箕三月彗星出 荊州占曰歲星逆行過度宿則生彗

星 陳卓曰熒惑守心期三十日彗星出 鎮星守氐期三十日彗

星出

齊伯曰鎮星出入留舍斗五十日不下彗出

凡彗星行列舍當先 逆順入宿淺深去之遠近守之久速觀

其五色察其動靜守之久灾重去之速灾輕 巫咸曰彗星出入中

外官各以所含官名為其事所往之方為所謀之國以其生之日為

其期以五色氣相賊為其決云

黃帝占曰常以五寅之日視甕水中見兩方氣在日旁則彗將出矣
甲寅之日有青方氣在日旁此歲星之精將為彗也丙寅之日有
赤方氣在日旁此熒惑之精將為彗也戊寅日黃方氣為鎮星庚
寅日白方氣為太白壬寅日黑方氣為辰星出則災在其分及衝

日月旁妖星占

日左有星仍有珥五十日內臣逐君大亂三年

日左右有星兄弟謀殺主 三星守日臣殺主

日四角有星臣殺主大亂 彗在日旁太子為逆衆星為日名曰

日入獄中天下謀奪君位

客星見月中太子與將軍同謀篡逆

兩星夾月後宮女與近臣謀逆不成受誅衆星圍月賊入宮君出走三星聚月下君殺太子

二星在月上左右角臣伐君兵亂三年

五星在月下后與臣私通謀主位君出走有兵戰流血千里彗星出有衆星圍之臣謀逆大兵亂七年

觀象玩占卷之三十五終

觀象玩占卷之三十六

流星 總敘

流星者天皇之使五行之散精也自上而降曰流自下而升曰飛大者曰奔皆流星也星大則其事^大星小則其事小大者害深小者禍淺有聲隆者怒之象也行疾也期疾遲者期遲大而無光者衆人之事小而無光者貴人之事大而光者其人貴且衆也出則內使出入則外使入也前小後大者喜事也前大後小者恐憂也蛇行者好事也往疾者往而不返也長者其事久短者其事疾也乍明乍滅者賊成賊敗也小而多者庶民也甚大者大貴人也又曰絕

跡而去曰奔光跡相連曰流有所干犯掩滅則為誅罰之象宜以五色占之

流星名狀

流星尾長二三丈輝輝然有光竟天其色白者人主使也色赤者將軍使也視星所之知使所之

流星色黃白有光從天而下有音如炬火下地野雉盡鳴名曰天保所墜國安有喜

流星色青赤從天墜地其名曰地鴈所墜地兵起

流星色青亦有光長二三丈從軍中之積筆也其名曰天鴈其國起

兵將軍從星所之

流星大如缶其光赤色有喙名曰梁星其所墜之鄉有兵軍失其地
流星色青赤墜下有聲羣鳥驚鳴野雞盡雉有光照人其下有
大戰積屍流血不出三年

流星前如盤至後皎然曰欲人時施施如散金其所入宿受福期二年
遠二年

大流星有音如雷望之如火光所至之地有大戰破軍殺將一曰見則
四方相射 流星落落如遺火有光其下有戰

流星色赤後圓如車輪所之國有憂其將有外心

流星色黃其後如一匹練所之國有喜益地期一百八

流星甚大色青赤光照地四旁若有赤光所至之地五穀不

流星夕見前赤後白者大臣欲謀國陰發使也視其所止占其所道
之國

流星夕墜光耀天下照垣牆昏明者所墜分野有大兵起一曰有霸
王其所下有流血其分大疫

流星入漢八角散者帝主欲發大使宣諭四方一曰道賊起欲他邑

一曰有卿相欲走之外國

流星前赤後黑客軍敗一曰從其軍上起者其軍敗

流星赤光前方後銳映天者公卿宰相謀國陰兵起天失邦天下
飢荒

流星大如缶若甕中天洩尾者名曰大奸下有流血大臣起謀百姓
悲吟天下大亂飛星大如缶若甕後皎然白前卑後高搖頭乍止
乍下名曰隆石所下民食不足飛星大如缶若甕前卑後高後皎
然白名曰頽頽其所從者多死亡削邑而不戰飛星大如缶若甕
後皎然白星滅後白曲環如車輪名曰解御此謂自相齧食其國
人相斬爵祿

飛星大如缶若甕後皎然白長數丈星滅後白化為雲流下名曰

大滑所下有流血積骨

飛星大如缶若甕後皎白縵縵然長可十餘丈而委曲名曰天刑一曰天飾見則將軍均封疆

飛星大如缶若甕行絕跡色如煙火墜下所下有喜

流星晝見占

流星晝見竟天明者有陰謀臣欲專主國誅殺賢良遠期一年中二百
近日

流星晝落有聲野雞皆鳴衆鳥盡驚者所下之分大兵起大戰流血成川積骨如山王者大憂期三年中二年近一年

流星六七枚一時盡見下墜其分王者死一曰被迫死其分大亂兵起
流血一曰赤地千里百泉枯涸王者戮

流星干紀日月五星占

流星映日赤色向日流者天下不安帝王易位人主崩亡百姓逃竄九州
荒蕪 流星映日前銳後方者大臣殺主後宮大亂天下震動日
無光者天下大疫人半死 流星晝見衝日臣下謀亂帝王受殃天下
陰謀相奪百姓流亡四海俱殃

流星光耀赫奕翳日王者遇殺期百日日無光期十日

流星衝月大臣有事貶黜衝透月者大臣被殺人主受戮太子為王

流星色白衡月皇后憂色赤皇后病一日後宮口舌大起天子大怒色青黑后死

流星蔽月天子將遣大使之他國

流星五色映天奪月光者大使發

流星雙貫月宰相為將所殺大兵起公卿受死

流星四面一時刺月臣殺其君子殺其父大兵起一日四方有使還其使叛心離上

流星八月君憂失地女主疾月無光兵起四夷入侵中國荊州占曰臣謀主一日將戮死海中占曰流星出月中不出其分國亡若星復出則

國亡復立

流星落月上下其國大亂 天無雲有流星過月光明潔者其國者
喜流星犯歲星其分使者被戮

流星抵歲星臣為逆一曰相戮死卻萌曰流星抵歲星歲星沒不見
流星反為歲星人主死相出走

荊州占曰流星入歲星色黑相死其國農荒色赤大疫天下飢色
黃白足食 流星與歲聞光却偃者分君被使辱使受其戮一曰
使中道被殺一曰國君振雄鄰國悉辱

流星赤直刺歲星其分使被殺 流星貫歲星其分守臣被害

流星色黃潤緩一而行首尾端直去歲星二寸沒其分君有福
鄰國未賓此霸王之使也

流星衝熒惑其分君有福 流星光映熒惑鄰國有大使至此推
猛之使也有奸謀君則客宜察而防之

流星穿熒惑而過熒惑無光其分君死國飢

流星抵熒惑其國旱飢曰天子有大行或曰國多讒臣曰天子

宮中備火 流星抵鎮星女主惡之鎮星光明不動其分君有福國昌

流星光潤緩行至鎮星二寸而沒霸王之使也占同歲星

流星犯鎮星民多事色赤黑外國有奸人入色黃夷狄未貢

流星衝鎮星有光不動其國昌無光其分君憂

流星拂鎮星而過色赤其分有兵色白有喪色黑為水色青有疫且飢色黃潤吉

流星犯太白其分兵弱無兵起太白無光將帥有憂曰大將死軍大敗流星明潤前後光銳穿太白而過王者德令行邦國寧軍有功大將還

流星抵太白沒不見流星反為太白國有更令將軍戮死有內兵流星犯辰星天子令行曰大水至水官憂

流星入辰星天下大水御史獄官多死

流星辰星辰失光外邦有使至論得失欲行直言曰使回振德
流星振辰星辰星不見流星又為辰星天下大亂

流星雜占

流星有芒角有聲者怒也以色占其吉凶以日辰及所起所止占
其處大抵色青為憂為飢色赤為兵為旱為火色白為刑獄亦
為兵事色黑為疾病為死喪為水灾色黃潤澤則為喜不則為
土功事又以日時休囚王相兼言之

流星大如甕為發謀事大如桃以下為使事

流星有尾狀如匹布蒼白色者使星也

流星紛、交行光耀人目者人君自貴視人如草芥臣民思欲離叛
期不出二年 石氏曰流星紛、交行不止天下兵飢人民流亡各去其
鄉不出三年

流星數百千枚四行者人民流徙也大星小星交錯而行者貴人與
小民俱也

流星交馳絡繹相逐有急使奔馳道路

衆星並流庶民離散也將軍與兵隨星所之勝星流不止亦為百姓
離散若墜吾國宜從避之

流星從敵上徐徐來我軍上而入者有間使未入我軍中

流星蛇行來入我國或我軍上者他國有奸使未所有貢獻勿信之
流星先明後暗視其所起所止有叛者自滅

流星色赤所之之分有兵旱若炬如火光有急令流星大而赤如
血光照地炸而有聲者天狗也無聲而炸為旱

流星太白如粉絮光有尾者文臣為使赤潤者武臣為使不炸為喜
炸作聲為病為兵

流星半途破為二三復流而沒此為一使出而又一使奔之也大流星赤
而炸或青黑而炸入内外官皆為主者死 辰星坐心宿則為人主
房將相南斗為宰相軒轅為女主及大臣文昌攝提為大臣以是

提之 流星衝天天帝使也人主惡之

流星色赤從中天急走入濁其所之方有大災

流星有暗或大或小或炸或不炸其所至地守臣憂之亦為日舌
爭競白為喪為刑獄黑為病為死青為憂擾黃潤則為喜得
地又曰赤為火災亦為有兵白為人疫死黑為水青為蟲為飢
黃熟 荊州占曰流星以人定至夜半見者期以年夜半後至鷄
鳴期以月雞鳴後至平明期以日石氏曰流星見甲子旬為東方
丙子旬為南方庚子旬為西方壬子旬為北方戊子旬為中央

五星自流占

乙巳占曰凡五星自流所在之方人民相殘土地荒蕪帝王逃亡國滅
身歿其星若流入福德之鄉當有聖人應運而興若流入刑禍之
鄉君民俱憂其殃破國絕世易姓改命有德者昌無德者亡枉矢
巫咸曰枉矢類大流星色蒼赤蛇行望之如有毛長如教目匹布看天
見則以亂伐亂 海中占曰枉矢類流星之有毛自長可一匹布皎
皎看天見則天下兵大起期三年

漢天文志曰矢枉所觸天下所伐滅亡之象也教鉅鹿枉矢西流物
之直者莫若矢令蛇行而不直象執矢者之不正北謂以亂伐亂一
曰枉矢軍不勇天徇

天狗狀如大奔星色黃有聲其止地類狗所墜望之如火光炎炎
衝天上銳下圓如數頃田謂之天狗或曰星有毛尾旁有短彗下
有狗形者或星其狀赤白有光下即為天狗或曰流星有光見
人面墜無音者有足色白中黃如遺火狀名曰天狗或西北有星長
三丈如火而出水金氣交名曰天狗或曰流星大如盤其後白其中夾
然如遺火名曰天狗主候兵討賊或曰日將出及將沒之時有五色
氣長數丈看天而行或如長虹或赤氣如血從上墜下或從濁升
于中天者天狗也或曰如大流星從濁升上却落或住少時或經刻
而墜者天狗也或曰有如大流星赤色光照地炸六七作聲而落者

天狗也或曰流星甚大流至中途炸為三五或八九礫然有聲謂之
天狗或曰日出沒時有如匹有着天流下有音如雷久而方絕謂之
天狗或曰有星白如鏡有光墜下謂之天狗或曰大流星赤色墜
地山野皆鳴羣犬奔吠者謂之天狗或曰日出沒時或夜半從天墜
下大如碗如釜赤如火光炸而有音如雷謂之天狗已上形狀不同
皆為天狗李淳風曰天狗出入濁間不出人列宿墜地者為天犯
不墜地者流星也

天狗者五星之氣出西南金火氣合而為天狗見則兵起大戰天下
大飢人相食石氏曰天狗所下必有大戰破軍殺將伏屍流血天狗下

食之皆期一年中二年遠三年各以所下之國占之又曰天狗下則四方射其君失地兵大起易政戒守禦

隕星總敘

星隕者自上墜也凡星附嚴于天猶庶人附嚴于王者也王者失道紀綱廢缺下將判去故星畔天而隕以見其象大星隕下陽失其位災害之萌也凡星所墜其國易政又曰當其下有戰場天下亂期三年又曰奔星所墜其下有兵列宿所墜滅家邦衆星所墜象庶亡又曰鎮星墜海水淡黃星騁海水躍又曰星墜而潮海決周衰星隕墜如雨天子微諸侯力政五

伯伐興更為盟主象暴寡大併小帝王之政由此壞滅故隕星之
灾此之流星為尤甚也

隕星雜占

隕星如雨民去其土也其占為王者失勢天下易政星墜為石
其國兵敗軍憂一日所墜有大兵流血星墜為鳥獸其下有
兵星墜為蜚蟲其國將亡星墜為金鉄有大兵星墜為土有
大水一日大飢兵起星墜為水其兵飢星墜為草木有兵其國
亡星墜為人而言吉凶如其言星墜如龍其國有大喪星墜
為沙兵大起一日大飢星墜為肉天下大亂國亡星春墜武臣被

害其歲登憂墜大兵起國易政秋墜大水兵起 冬墜其主亡
星盡墜其下有犬兵覆師 奔星所墜其地有破軍殺將

營首

大流星墮于軍上謂之營首亦曰營頭之星不有破軍必有死將
圍城而有星落城上者城敗

雲氣如壞山墜軍上亦曰營所^頭墜有覆軍流血三千里

觀象玩占卷之三十六終

觀象玩占卷之三十七

雲氣總叙

周札眠侵氏掌十輝之法以觀妖祥辨吉凶一曰侵謂陰陽五行之
氣浸淫相侵也或曰抱珥背璫之屬如虹而短是也二曰象謂雲氣
成形象如赤鳥夾日之類是也三曰鑄滑日旁氣刺日形如童子
所佩之鑄也四曰監謂雲氣監臨在日上也五曰闕謂日月食
或曰光銳也六曰膏謂膏膏不光明也七曰彌謂虹蜺天而貫日
也八曰序謂雲氣日上或曰冠珥背璫重疊次序在旁也九曰際
謂暈氣或曰虹也詩所謂朝濟于西是也十曰想謂五色有形可
想而知也

一曰慶雲亦曰輕雲荷雲若煙非煙若雲非雲郁郁紛紛蕭索輪囷是謂慶雲亦曰景雲此喜氣也太平之應二曰昌光亦如龍狀聖人起地受終則見

妖氣

一曰虹蜺日旁氣也主惑心主內淫主臣謀君太子黜后妃專政不
二曰羣雲如狗赤色長尾見則為亂君為兵喪一曰群雲赤雲其狀如狗二三或四五相應而行見之國有大兵

日月旁氣

一曰冠青赤氣曲覆日月之上為冠者冠帶之象也天子當立候

王封建親戚以為藩屏白為喪純赤為兵天文志曰青赤氣抱在日上下者為冠見則國有喜事

二曰戴青赤氣橫在日月之上隆微起為戴戴者德也其國有喜一曰氣立

在日月之上為戴其分當有益土進爵推戴之事五色鮮明潤澤則吉純青為憂純赤為兵白為喪黑為疫天文志曰日戴者形如直狀其上微起瑞應圖曰人君德至于天則曰有戴氣

三曰珥青赤氣短小在日月之旁為珥石氏曰日兩旁有氣短小中赤外青其名曰珥者言似耳在兩旁也

四曰抱青赤氣彎曲向日為抱抱者扶抱向就之象日月有抱他國有來降附者亦為有子孫喜王朔曰氣白日月如暈狀而短為抱為多來親附者衆多也夫文志曰日旁氣如半環向日內為抱臣下忠誠輔之象兩軍相當得抱者勝

五曰背青赤氣曲而背日月者背叛乖離之象

天文志曰青赤氣如月初生狀背日者謂之背見則當反者兩軍相當背所在之方敗

六曰璚青赤氣曲向外中有橫枝欲似山字曰璚缺傷之相也一曰形如帶璚在日月四方又曰如弓形而有牙其占為君臣不和

上下傷缺兩軍相當所臨者敗王朔曰壻者決也壻者臣下急也形如背微小而鈎為壻見則有反者

七曰直青赤氣長及丈餘正立日月之旁曰直其分有自立為王者又曰短為長為直八曰交青赤氣狀如兩直相交在日月上下左右白交交者淫悖之氣也主有淫行則交氣見恒以八月上丙日候之日旁有交赤雲其下有兵又曰旁有兩氣相交或象貫穿或相向背皆為天下大兵起亦為內亂軍不知

九曰提日月四旁有赤雲屈曲如鈎向內有矛出之名曰四提如玦珥而曲長不出其年兵起王者死亦為亡地有自立者一曰氣形三

角在日月四旁為提日暈而提向外外臣叛向內內臣叛荆州
占曰旁有四白雲曲而向日四方曰提見則有自立者

十曰纓青赤氣小而交於日下為纓

十一曰紐青赤氣兩邊交曲而雙垂為紐一曰青赤氣小而圓或一
或二在日月上左右為紐見則人君納寵妄纓紐同占

十二曰承青赤氣如半暈在日下為承承者臣承君也又曰日月下
有氣二三重如抱狀名曰承人主有喜得地

十三曰履青白或青赤氣如履在日下為履一曰青赤氣立在日
月下為履皆喜氣也一曰日下有赤黑氣如履謂之履天子有喜

外國有來歸者

十四曰格青赤氣橫在日月上下為格者閑之象其占為有兵戰
十五曰戟青赤氣長而斜倚日月之旁為戟戟者戈戟相傷之象
其占為兵起

十六曰暈圓氣周匝圍繞日月內赤外青其名曰暈有軍在外則
為軍營之象對敵有暈厚而鮮明久留者勝在東東勝在西西軍
勝北亦如之若周匝而無厚薄則我軍與敵等也無軍在外而暈者
天子失御人民將叛也日月皆暈凡日月暈七日無風無雨則兵起
京旁曰日暈有兵在外者客勝夏氏曰日暈而明有兵兵止無兵

兵起不戰凡兵發而日月暈有厚薄則得厚者勝漸減則留者勝
十七日負青赤氣如小半暈狀在日上為負負者抱之類也如抱而
短小見則主人有喜得地

日暈氣占

日暈五色者喜也日暈色再重天下有喜

日暈得五色其國有喜不得王色有憂

日有黃暈風雨以時物賤人安黃暈再重公卿不職工役煩興不出
一年穀傷兵起

日有青暈不出其旬有大風大寒米粟大貴民疾疫一歲再見貴在

倍五見倍以上大飢青暈再重不出六十日兵起一曰外戚親族內
亂王者憂亡地

日有黑暈大水傷五穀敗室宅糴十倍三旬乃止一曰灾在用事之
臣黑暈再重內臣貪財不出三旬大水人流不出其年夏霜冬雷
其國大敗

日有白暈歲多暴風春雪霜民多病 一曰白暈再重所
見之國多風雨民不安穀貴不出九十日有急兵

日有赤暈其日有大雨雷震殺人畜且有火熱道無行人赤暈
再重所見之國有蝗虫百日旱穀貴道起赤暈三重兵大起四

重五重天下兵起大飢人主憂

日暈青黑女主憂

日暈中赤外青羣臣親附外赤中青臣外心

日暈黃濁黑潤動搖為惡風雨不動搖為有憂病不則有暴惡之
令 凡日暈色青為飢為憂色赤為旱為兵色白為喪色黑為水
為病色黃而潤為喜黃燥為旱為風日暈再重其分有攻戰一曰
其國有殃一曰天下有立王不則有伐城京房曰有有德之君得天下
夏氏占曰日重暈攻城圍邑不後

日重暈中赤外青臣有邪謀不成

日暈三重諸侯王反兵起穀傷天下憂期三年或曰有大兵者拔城期三日有反臣曰國亂民飢兵起期三年止

日暈四重攻城圍邑軍破敗也有反相有亡國有死王

日暈五重國有女喪杜受殃是謂棄光其歲兵飢其地破亡期三年

日暈六重國政反常兵起國亡

日暈七重中國弱夷狄強有急使至

日暈八重士人亂天子傷 日暈九重天下亡

日暈十重天下兵荒人民遑、改立君王

右已上各以其所在日辰及星宿圖分占之

日有交暈立大夫為將軍交暈無厚薄交爭力勢均有厚薄
厚者勝交暈居之上者勝曰日有暈人主左右有爭有兵在外則
戰又曰日有交暈而爭先戰者不勝交暈貫日其下有破死將客敗
交暈抱日侯其先滅之處從其處攻之勝交暈如暈環兩國爭
地有亡國兵在外則兩軍皆動

日暈兩旁不合主謀不成

日暈不匝暈所在兵勝在東東軍勝南西北亦如之當其空面者
敗日兩旁暈相向者風五穀

日半暈其國相有謀日半暈如弓蓋有欲和親者

日半暈東向西夷欲反入國西向東夷欲反入國南向北夷欲反入國北向南夷欲反入國日有半暈再重民和歲吉以日宿命國日暈如車輪之半軍在外者罷無軍在外者則兵起

日半暈中央廣兩頭銳從有處擊無處勝

日暈如井幹如車輪其國皆以兵亡

日方暈天下不和兵起其國敗

日暈先起而先滅者當其方者敗後匝而後滅者當其方者勝日暈甲乙憂火丙丁臣不順戊巳后族盛庚辛將師不利壬癸臣專政日以庚子暈有赦令

日正月朔旦暈其分小熟正月日暈春不可起兵正月日五暈歲大
熟日以正月若五月一月之中九暈以上道多熟死人一曰有熟死將
一月之中三暈軍分為三日始出而暈其國有死君不則有亡師日
始出其上有暈如車蓋其日有雨日朝夕暈是謂失城有兵主人不
利日有珥孝經內記曰人主有喜為拜將若有子孫一曰日朔有風
一曰女主戒之

日朝有珥甘氏曰純白為喪間赤為兵間青為病間黑為水間黃為
喜乙巳占曰日朝有珥國主有耽樂之事其不可行女主戒之不則
有憂

日夕有珥赤黑白有大灾有軍在外而日珥為喜兩軍相當而欲和解珥所臨者喜在日東東君勝在日西西軍勝南北亦然敗處可知也無軍在外而珥則為拜將

日珥北方以及三方必有疾雷

日左珥人君陰私事日右珥人君有婦人陰事

日右珥色赤黑夷人起兵邊邑有叛者

日左右有黃珥國有赦令日珥而張人有憂于外日有兩珥且有大使日兩珥焰焰有光人主有喜日兩珥中赤外青或兩珥色黃白潤澤皆為人主有喜日有交珥聚一方眾兵皆起軍在外

者罷

日有四珥天子立侯王亦為有子孫喜期不出三年京房曰日出四珥將軍亡日入四珥有大兵

日朝五珥國憂兵起

日有六珥甘氏曰是謂大提不出六十日其分有喪若有赤雲掩日則下有亡國多珥臨日有南客來言北方事日珥中有赤雲貫日名士死

王朔曰兩軍相當日珥等無相奈何 日黃抱君得地

洛書猶亡辟曰日抱黃白潤澤中赤外青天子喜有未降者軍

在外不戰敵降軍罷色青將憂色赤兵爭色白有喪色黑將死
日三抱天子喜色赤黃白皆吉

日四旁各有重抱四方信附日旁抱五重戰順抱者勝

日旁有黑抱戰無軍有欲和親者

夏氏占曰兩軍相當日有兩抱齊等先衰者敗同時而消則無勝
負日旁而有黃氣如人像者人主有賢佐日有背其分有反
叛將欲去善防之背多者反者多也日四旁俱有背四方俱
有反者日有牆巨謀反

日旁有一牆萬人死日四牆五牆反者如牆之數日旁有一直一

有人欲自立從其說者勝

日旁一直有一人欲自立四旁皆有直四方皆有欲自立者

夏氏曰日有黃直君立臣有青赤直臣自立又曰日直中赤外青自立者不成黃白潤澤者成

日旁有交從交所擊者勝

日有四提不出其年有大兵大飢有大雨則災不成日六提布貴天下亂人主惡之

日冠而珥人主有喜且有所立乙巳占曰日冠而珥天子有私事珥在東則事在東他倣此

日平曉冠而有兩珥色黃白潤澤天子有喜聽立立王

王朔曰日冠有兩珥最吉

日冠右珥石氏曰邦西有善人出為位

日冠左珥石氏曰邦東有善人出為位一曰君與婦母私相知日冠纓上下石氏曰邦南北有善人出為位日抱有一珥色皆白潤澤中赤外青平旦至食時見天子有喜日中至日入時見色蒼白為憂有從外來以善事告者不可信日珥外有抱人主子孫昌

日抱日有兩珥天子有喜下有黃氣如月名曰遺得太子喜一曰喜日重抱有珥在左右可來降附者

日抱三重有兩方珥二皆黃白潤澤天子戰勝外敗者來降珥方者兵也抱珥順而為喜

日多抱珥則國內推喜而和洽

日戴而珥天子有喜子孫之事

日重戴左右珥天子得地若有所立

日戴且冠不中日者名曰附中赤外青色且潤澤天子有臣暴得寵者日兩珥有直出珥中中赤外青色黃白潤澤天子有喜立侯王

日纓而珥後宮有喜

日抱一背為破走抱順而背逆順抱擎者勝故曰破走無軍在外而

一抱一背者臣不和

日重抱且背順抱擊者得地

日抱且背有順有逆抱所在者順背所在者逆也

日背而內有壻色中黑外赤大臣反天子有大憂亂從中起

日有背壻在日南及其三方國有反臣

日背壻重累小人略地大人爭時 洛書摘亡碑曰

日背壻並出外顛倒相貫下亂天子滅

日有四背壻射主入曰國內亂兵起

日背壻有芒刺向外 外勝向內為內勝

日有二背一直大臣知立

日有背牆四直交其中臣欲為邪色中青外亦有些為逆中赤外青無
芒刺為謀此氣數見則國危

日抱且兩珥一虹貫抱主日順虹擊者勝

日重抱左右兩珥有白虹貫抱順抱擊者勝一虹得一將二虹得二將
重抱有二白虹貫主日順虹擊者破軍二虹殺大將一虹殺偏將

日重抱左右有二珥有赤虹貫抱順擊者得二將二虹得二將_王虹得
三將

日有二直二抱欲自立者不成順抱擊之勝

日上有冠三重日下有直虹不出一年立故貴人其年小熟有小兵天下不安

日抱且背且璫逆順相參抱多則順者多背璫多則逆多抱明而久背璫不明而先滅則順勝以是推之凡有抱者以攻戰從抱擊之勝芒刺外則內勝芒刺內則外勝抱明享有芒刺背則逆者滅背璫明而抱先去則忠臣受殃他倣此

日重抱內有璫順抱擊者亦曰軍內有反者

日抱兩珥且璫二虹貫抱至日順虹擊勝凡虹貫抱皆為大戰流血

觀象玩占卷之三十七